



**VIRGINIAE**  
Item et  
**FLORIDAE**  
America Provinciarum no:  
va  
**DESCRIPſIO**

**AMERICA**  
**CAE:**

**PARS,** Apalaty Montes auriferi

Occidens

**FLO:**  
**RI:**

**DAE:**

**PARS**

Lacus e Sinſula Sarrope abun-  
dat optimi fruct

In hoc lacu indigenae  
argenti grana inveniunt

Medius Meridianus eſt 300.  
reliqui ad hunc inclinatur pro  
ratione 30. et 37. paralelorum

S. Petro Hispanis  
S. Aguftino

## LA FLORIDE.

Pays.  
Nom.

Sit.

Fertilité.

Anima.

Pouvoir  
& Com.

**L**A Floride fut ainsi appelée pour avoir esté découverte le dimanche jour de Pasques, que les Espagnols nomment *de Flores*. Les Francois *Pasques Flories*: & ce par Iean Ponce de Leon. Autres & mesme Thevet, le tire pour ce que le pais est tout verd, & les herbes mesmes coupées, y demeurent en leur verdeur: mais le croye qui vouldra, veu que nul autre n'est de cet avis. Les Naturels l'appelloient *Iaquasa*. Elle est de grande estendue aiant au lever le Bahaman & les lacayes: au coucher les bornes de la Mexique: au Midi la Cuba & les terres de Iucatan, s'avancant en forme d'Istme & pointe de terre prez cent mil p. en mer, aiant au plus estroit 30. mil de large. Au Nort luy demeurent Canada, Virginia, Avanares & la Neuve France. Cest une terre assez plaine & fertile en tous fruits. Les Naturels sogneux de la culture & racolte d'iceux. Sement leur Maiz en Mars & Jun. a trois mois de la le cueillent, le serrent en lieux & greniers communs, puis le distribuent a chacun selon sa necessité & merite. Riche en diversité de fruits. Meures, Cerifes, Chatagnes, Raisins, Mesles, Prunes belles da spect, mais de ma agreable faveur. Ilz ont racines de l'herbe par eux appellée *Hurle* de laquelle faute de Maiz ilz font le Pain. Diverses sortes d'animaux. Cerfs, Chevreulx, Cheures, Ours, Leopards, Loups, Chiens sauvages, Lieures Conils. Ne manquent de Volailles, Paons, Perdis, Perroquets, Columbes. Tourtres, Merles, Corneilles & divers autres. Varieté de Serpens & Vne Beste rapportant au Lyon d'Afrique: & une autre Sauvage fort estrange pourveu sous le ventre d'un sac souvrant en forme de bourffe pour y serrer & emporter ses petits, sil est contraint de fuir les poursuivans. Ce pais resta desert de Chretiens de puis que Iean Ponce leut decouvert. Puis Ferdinand Soto en demanda le Gouvernement a l'Empereur Charles 5. ou il mena nombre de vieux soldats 1534. mais n'ayant soing d'y

peupler, ains seulement decouvrir les Mines d'Or qu'on disoit y estre s'en voiant frustré y mourut dennuy & ses compagnons que mangez que tuez ou dissipéz ca & la par les sauvages. Depuis les Francois sous Charles 9. Roy, conduits par Iean Ribaud, y aborderent mais avec malheur. D'autres apres y entreprendrent sous Laudoniere Gentilhomme de Poitou 1562. qui peuplerent une forteresse nommée Caroline laquelle fut par trahison gaignee des Espagnols sous Pero Melendez, & presque tous les Francois mis en pieces contre la foy des Espagnols infidelles. Mais peu apres Dominic Gourgue Bourdelois y mena en trois navires cent 50 soldats & 80. mariniers qui les raiterent des mesmes, prindrent & razerent le fort, ramenerent les pieces de menue artillerie prises par les Espagnols, avec tout ce qu'ilz y treuverent de meubles, laissant escrit en plusieurs lieux la Vengeance des Francois, sachant neantmoins les plaintes que l'Ambassadeur d'Espagne en faisoit au Roy qui lentendoit, se retira avec sa prise & n'y est depuis allé aucun autre. Les plus notables contrees de la Floride, sont *Panuca* sise ez confins de la Neuve Espagne, dont les naturels sont fort belliqueux & cruels en Guerre. Sacrifient les prisonniers a leurs Idoles & les mangent. Les homes s'arrachent le poil de la barbe pour aparoitre plus beaux & gentils: ont les nazeaux & oreilles forées & ne se marient devant le 40. an de leur aage. Puis suivent les *Avanares* & *Albardaofia* region de laquelle les Peuples sont des plus fins & malicieux, de diverses meurs aux autres Indiens. Puis *Iaquazia* dont les habitans sont si legiers qu'ilz poursuivent & prennent le Cerf a la course: courent tout un jour sans se lasser. Y a d'autres contrees, *Apalchia*, *Authia*, *Somovia*, & autres. Tout le pais est arrosé de divers fleuves qui le rendent plus humide. Des Montagnes Apalchiques sourdent ruisseaux qui roulét sablonieres d'Or, ou parmi les sablons arenes & grains d'Or.